

# خزینہ محاکمہ

جمعہ ایرتسی

نومرو	شعبان	سنه	كانون اول	سنه	صحيفه
۱۰۶۲	۲۷	۱۳۱۷	۱۸	۱۳۱۵	۱۵۳۰۹

( اشو غزته بهر هفته جمعہ ایرتسی کونری جبقار . منلکی در سعادت ایچونه مجیدیه بکرمی غروسه )  
 ( مسایله التسه غروسه . طره لر ایچونه اوده بسه غروسه بوسه اجرتی ضم اولنور . بهر )  
 ( نسفسی بنه مجیدیه بکرمی غروسه اولور اوزره یوزباریه هر برده صایبور . درج اولنه صوه اعدا ناک )  
 ( هر برنده بر مجیدیه اخذ اولنور . منلکه مشتری اولور استیاندن عدلیه نظارتی دأره سنده لاسه جبریده )  
 ( محاکم اداره منه مراجعت ابلعلیدر . )

مأموریت علیه سنک مطالعه نامه سی الندقدن صکره  
 اعلام مذکور طرفینک اعتراض وجواب  
 لایحه لریله بالمطالعه تدقیقات تمیزیه اجراسنه ابتدار  
 اولندی

## قسم غیر رسمی

اعلام مذکورک خلاصه مألای خزینة  
 مشار الیهانک محلی وکیلی علی رضا افندی اوچوز  
 اون سنه سی قوری چایرینی التزام ایدن قریه  
 مذکوره دن خطیب اوغلی حسینه خارجاباً  
 شریک اولان مومی الیه محمد افندی مذکور

حافق قضا سنک پره پورت قریه سنده مقیم  
 دلی بکر اوغلی محمد افندی الیه خزینة جلیله  
 مالیه بینده محدث دعوایه دائر قضاء مذکور  
 بدایت محکمه سنندن ۱۱ مایس سنه ۳۱۴ تاریخی  
 و اوچ عدلیله ویریلان اعلام مومی الیه محمد  
 افندی طرفندن تمیز ایدلکله باش مدعی عمومیک



چاپرده حصوله کلان اوقی صاتوب اتمان حاصله سندن درتیک قرق بش غروشی ذمتنه کچورمش اولدیغندن بختله مبلغ مزبورک مع فائض واجرای موقت افندی مومی الیهدن تحصیلنی طلب ودعوی وذمت متبایه نك ایفا ایدیله جکنی متضمن برقطعه دفتر ابراز واعطا ایلسنه قارشو مدعی علیه محمد افندی دخی مبرز دفتر زیرینه موضوع مهر کندوسنک اولدیغنی اقرار ایله برابر مبلغ مدعانک دینی اولدیغنی ومذکور چایری کندوسی التزام ایتیموب مرقوم حسین اغا ایله دیگر شریکری ابراهیم افندی ایله علی افندی زاده حاجی اغا التزام ایلدکرینی وکندوسی ایسه طرفلرندن مشعر تعیین اولدیغنی وممرقوم حسین اغایه برکونه شرکتی اولدیغنی مدافعه بیان وانبا ایلمش ایسه ده اولبابده اجرا قلنان محاکمه وتدقیقات نتیجه سنده مدعی علیه محمد افندی نك مرقوم حسین اغا ایله مشترک اولدیغنی اکلر شلمش اولدیغندن افندی مومی الهک بو اوت اتمانندن ذمتی اولدیغنی مبرز دفتر زیرینه موضوع مهرینی اقرار ایتسیله محقق ایتمش اولان درتیک قرق بش غروشک تاریخ استدعادن اعتباراً مع فائض واجرای موقت مدعی علیه محمد افندی تحصیلنه حکمدن ومستدعی تمیز محمد افندی نك اشبو حکم

علیهنده لایحه سنده محرر باشلوجه اعتراضی اول امرده کندوسنک چایری درعهده والتزام ایلدیکی ویاخود ملترم بولنان حسین اغایه کفالت ایتدیکی محکمه جه تدقیق ایلدکدن صکره نتیجه حاصله یه کوره خصومت توجه ایدوب ایتیه جکنه قرار ویرلک لازم کور ایکن بوجهتله دقت اولمخسزین کندوسنک خزینه جلیله یه قارشو خصم طانسی یولسز ومغایر اصول وقانون بولنمش اولدیغندن بختله اعلامک تقضی ولایحه جوابیه مفادی دخی درمیان اولنان اعتراضاتک واهی وبی اساس اولدیغنی بیانیله ردی واعلامک تصدیقی طلبندن وسالف الذکر مطالعه نامه مالی دخی لایحه تمیزیه ده درمیان اولنان اعتراضات قانوناً شایان قبول کور یله مدیکی بیاندن عبارت بولنمشدر

ایجابی لدی المذاکره اعلام مذکور مطالعه سندن مستبان اولدیغنی اوزره منازع فیہ اعشاری جانب خزینه دن حسین اغا التزام ایلمش اولسنه نظراً خزینه مشار الیه یه قارشو طاقده وملترم اولان حسین اغا خصم اولوب محمد افندی یه خصومت توجه ایتز ایکن محکمه مذکورجه محمد افندی خصم طانیله رق محکومیتی جهتنه کیدلسی مغایر قانون اولایغندن اصول محاکمه

لایحه لر یله بالمطالعه تدقیقات تمیزیه اجراسنه ابتدار اولندی

اعلام مذکورک خلاصه مالی مومی الیهما مصطفی حلمی وعلی رضا افندی لک مغنیسیایه تابع پلاموط ناحیه سنک دره قریه سنده کان متصرفه بولندقلری معلوم الحدود درت قطعه زیتون باغچه لرینی التیوز عدد عثمانلی لیراسی ثمن مقابلنده مزبور ثابت بکه وفاء بیع وترهین ومؤخرآ ثمن مذکوری تماماً تسویه ایتمش اولدقلری حاله

مومی الیه ثابت بک فک رهندن امتناع ایلکده اولدیغندن بختله مذکور باغچه لک کندولرینه تسلیمک تحت حکمه التمسنی طلب ودعوی ایتلرینه قارشو مدعی علیه ثابت بک دخی کرچه ۸ مایس سنه ۳۰۲ تاریخلی سند موجبجه ثمن مذکور التی سنه ظرفنده بایبی طرفندن ایفا ایلدیکی صورتده عقد بیعک اقاله سی شرط قلنمش ایسه ده اخیراً ۱ تموز سنه ۳۰۲ تاریخنده مومی الیهما حق خیارلرینی بالاسقاط منازع فیہ باغچه لک ایکی سنه لکنی کندوسندن استیجار ایلدکرینی بالیان کندوسنک بدل ایجار اوله رق یتمش ایکی لیرادن متبایق الهجفی بولنان قرق بش لیرانک تحصیلنی بالمقابله طلب وادعا

حقوقیه قانونک ایکوز اوتوز ایکنجی ماده سی موجبجه اعلام مذکورک تقضیه قانون مزبورک ایکوز قرق بشجی ماده سی حکمه توفیقاً کیفیتک بالرویه اعلامه ربطی ضمنتده محکمه مذکوریه اعاده سنه وزیرده مفرداتی مرقم اوچوز اوتوز اوچ بچق غروش مصارف تمیزیه نك ایلروده حقسز چیقجه جق طرفه عائد اولمق اوزره اول امرده مستدعی تمیز محمد افندی نك اخذینه ۱۵ مایس سنه ۳۱۵ تاریخنده متفقاً قرار ویرلدی .

ازمیرک شیخ محله سنده مقیمان یکیشهری زاده مصطفی حلمی وعلی رضا افندی لک مغنیسیایه تابع پایا قریه سی اها لیسندن قره عثمان زاده ثابت بک ینلرنده متحد دعویاه دائر آیدین استیناف محکمه سندن ۲۱ ایلول سنه ۳۱۴ تاریخلی و اوتوز ایکی عددی ایله ویریلان اعلام مومی الیهما مصطفی حلمی وعلی رضا افندی لک طرفلرندن تمیز ایلدکله اعلام مذکور طرفینک اعتراض وجواب



و بر قطعه قونطوراتو ورقه سی ابراز و اعطایتمسی  
 اوزرینه بدایه و استینافاً جریان ایدن محاکمه  
 و تدقیقات نتیجه سنده مدعا به زیتونلکلرک  
 مدعی علیه بیع بالوفاء صورتیه فراغ ایدیلوب  
 بیلرنده کی بیع بالوفا خیار تعیریه افاده ایدلمش  
 ایسه عقوده « اعتبار مقاصد و معانی به »  
 اولدیفندن سندده مندرج خیار شرط تعیرینک  
 مجازاً بیع بالوفا معناسنده مستعمل اولدینی سند  
 مذکورده ثمن تسلیم اولدقدن صکره بیع  
 مذکورک منسوخ اوله جفتک درج و تصریح  
 ایدلمسیه مثبت اولسته و مدعی مومی الیهما  
 مصطفی حلی و علی رضا افندیلرک منازع فیه  
 زیتونلکلرک بیعتک قطعی اولیوب و فاء وقوع  
 بولدینی اصولاً اثباتدن اظهار عجز ایلش  
 اوللرینه مبنی مدعی علیه ثابت بکک منازع فیه  
 زیتونلکلرک کندوسنده رهین اولیوب هر نه  
 وقت ایشای دین ایدیلور ایسه اعاده فراغ  
 ایده جکتی مدعیله و بو ایشده توسط ایدلره  
 اقرار ایتدیکنه دائر لزوم تحلیفه قرار ویرلمش  
 و مومی الیهما مصطفی حلی و علی رضا افندیلر  
 جانبندن وقوعبولان تمیز دعواسی اوزرینه قرار  
 مذکور حکمه تمیز استدعا دائر سجه نقض و اعاده  
 قلمش اولدیفندن بتکرار جریان ایدن تدقیقات

استینافیه نتیجه سنده مدعی مومی الیهما مصطفی  
 حلی و علی رضا افندیلرک یمین قرارینه اعتراض  
 و یمین لازم کلیه جکنده اصرار ایله یمین ویردیرمکدن  
 امتناع ایلش اوللرینه بناء مجله نیک بیک سکنز  
 یوز اون طقوزنجی ماده سی موجبجه ادعای  
 واقعلرینک ردینه حکمدن و مستدعیلرک اشبو  
 حکم علیهنده لایحه لرنده محرر اعتراضلرینک  
 باشلوجه سی حکمه تمیزجه ویریلان قرار موجبجه  
 محاکمه لرینک اجرا قلماسی مغایر قانون اولدیفندن  
 بمخه اعلامک نقضی و لایحه جوابیه مؤداسی دخی  
 اعتراض مذکورک ردی و موافق قانون اولان  
 اعلامک تصدیق طلبندن عبارت بولنمشدر

ایجابی لدی المذاکره اعلام مذکور  
 مطالعه سندن مستبان اولدینی اوزره مدعیان  
 مومی الیهما مصطفی حلی و علی رضا افندیلر  
 طرفندن ابراز اولنان مابین سندی منازع فیه  
 زیتونلکلرک خیار شرط ایله مدعی علیه صاندلینی  
 ناطق اولدینی جهتله بیع مذکورک مشروطاً  
 واقع اولدینی متحقق و مدعیلرک ثمنی اعاده ایله  
 میعی استرداد ایده یلکه حقلری درکار ایکن  
 حکمه سجه مدعیلرک رد ادعایرینه قرار ویرلمسی  
 یولسز و مخالف قانون اولدیفندن اصول محاکمه  
 حقوقیه قانوننک ایکوز قرق برنجی ماده سی

موجبجه اعلام مذکورک نقضیه قانون مزبورک  
 ایکوز قرق بشنجی ماده سی حکمنه توفیقاً کیفیتک  
 اولوجهله بالرؤیه اعلامه ربطی ضمننده حکمه  
 مذکوریه اعاده سنه وزیرده مفرداتی مرقم  
 اوچیوز طقسان اوچ بچق غروش مصارف  
 تمیزیه نیک ایلروده حقسنز چقه جق طرفه رجوع  
 ایتک اوزره اول امرده مستدعی تمیزلر مصطفی  
 حلی و علی رضا افندیلرک اخذینه ۲۰ تموز سنه  
 ۳۱۵ تاریخنده متفقاً قرار ویرلدی .

---

عکاده مقیم متوفی میخایل خمار زوجیه سی  
 فرحه قادین ایله متوفای مرقومک ورته سندن  
 والده سی روجینا و همشیره لری فریده و جمیله  
 ولییه و خا قادینلر و برادری محجور جیرانک  
 وصیسی حبیب متی افندی بیلرنده متکون دعوا به  
 دائر عکا بدایت محکمه سندن تجارت صفتی و ۱۴  
 شباط سنه ۳۱۴ تاریخی و او توز درت عددی ایله  
 ویریلان اعلام مزبورده فرحه قادین طرفندن

تمیز ایدلمکله اعلام مذکور یالکز مستدعیه  
 مزبورده نیک اعتراض لایحه سیله بالمطالعہ تدقیقات  
 تمیزیه اجراسنه ایتدار اولندی

اعلام مذکورک خلاصه مآلی مزبورده  
 فرحه قادینک زوجی متوفای مرقوم میخایل  
 ذمتنده امره محرر برقطعه سند موجبجه الهجینی  
 اولان الیبیک غروشک مع فائض ورته مرقومه دن  
 تحصیلنه دائر عکا تجارت محکمه سندن صادر  
 اولان اعلام غیابینک تمیزاً بالتدقیق دعوائی  
 واقع نیک ترکه علیهنده اولدینی حالده داینه  
 مزبورده نیک استظهار تحلیفی اجرا قلماسندنطولایی  
 نقض و اعاده قلمسی اوزرینه حکمه مذکورجه  
 بتکرار جریان ایدن محاکمه و تدقیقات نتیجه سنده  
 مستند ادعا اولان سند زیرنده اسامیسی محرر  
 شهودک استماعی قرارگیر اولسی و مزبورده فرحه  
 قادین دخی حکمه تمیزک قراری وجهله استظهاراً  
 تحلیفی خصوصنده اصرار ایدرک مجاوبه دن  
 امتناع و موقع محاکمه دن چکیلوب کیتیمی اوزرینه  
 مزبورده نیک حق محاکمه دن سقوطنه حکمدن  
 و مستدعیه مزبورده نیک اشبو حکم علیهنده لایحه سنده  
 محرر اعتراضاتنک باشلوجه سی درجه اولی محکمه سنجیه  
 تمیز قراری دائر سنده اکیال محاکمه اولنماسی



مغایر قانون اولدیغندن بحمله اعلامك نقضی  
استدعاسندن عبارتدر

ایجابی مذاکره اولندقدہ اعلام مذکور  
مندرجاتندن منہم اولدینی اوزره دعوی واقعه  
حقتده اولجه اعطا قلمش اولان اعلام دعوانك  
ترکه علیهنده اولسی جهتله مدعی مزبورہنك  
استظهاراً تحلیفی مقتضی ایکن بوجہتك نظر دقتہ  
التمامسندنطولایی نقض واعادہ ایدلمش اولسنہ  
نظراً مذکور نقض دائرہسندہ اجرای معاملہ  
ایدلك لازم کلورایکن بوجہتندن ذہول ایلہ مزبورہ  
فرحہ قادینك اقامہ شہوددن عجزینہ استناداً حق  
دعواسنك موقتاً سقوطنہ قرار ویرلسی قانونہ  
مغایر ومستدعیہ مزبورہنك اعتراضی وارد  
وموافق نفس الامر اولدیغنه بناءً اصول محاکمہ  
حقوقیہ قانوننك ایکوز اتوز ایکنجی مادہسی  
موجبہ اعلام مذکورك تقضنہ وایکوز قرق  
بشہجی مادہسی حکمنہ توفیقاً کیفیتك اعلامہ  
ربطی ضمنندہ حکمہ مذکورہیہ اعادہسنہ وزیردہ  
مفرداتی مرقم درتیوز طقسان سکز بچق  
غروش مصارف تمیزیہنك ایلرودہ حقسنز  
چیقہجق طرفہ رجوع ایتك اوزرہ اول امردہ

مستدعیہ مزبورہ فرحہ قادیندن الخسنہ ۶ ایلول  
سنہ ۳۱۵ تاریخندہ متفقاً قرار ویرلدی .

غلطدہ عرب جامع شریفی محلہسندہ ساکن  
حلواجیلر کتخداسی علی افندی ایلہ قبان دقیق  
اسکلہسندہ اتوز ایکی نومرولی معونہدہ مقیم  
معونہجی اصنافندن افا بینندہ متکون دعویہ دائر  
بک اوغلی بدایت محکمہسی ایکنجی حقوق  
دائرہسندن ۱۶ مارت سنہ ۳۱۴ تاریخجی وایکی  
عددی ایلہ ویریلان اعلام مزبور علی افندی  
طرفندن تمیز اولنمش ومدعی علیہ علی افا  
طرفندن جواب لایحہسی ویرلامش اولدیغندن  
اعلام مذکور مستدعینك اعتراض لایحہسیلہ  
بالمطالعہ تدقیقات تمیزیہ اجراسنہ ابتدار اولندی

اعلام مذکورك خلاصہ مآلی مرقوم  
علی افا کندوسنك میراثیدی اوغلی حسن  
رئیس ذمتندہ بیک قرق ومصطفی افا ذمتندہ  
التیوز قرق غروشک جمعاً بیک التیوز سکسان غروش

مطلوبی اولوب بونلری کندوسنك وقوعبولان  
امری اوزرینہ مومی الیہ علی افندی اخذوقبض  
ایدرك کندوسنہ ویرلامش اولدیغندن مدیونلر دہکی  
حق مطالبہسی باقی قالمق اوزرہ مبلغ مذکورك  
فأضیله برابر مومی الیہ علی افندی تحصیلنی  
طلب ودعوی ایتسنہ قارشو مدعی علیہ علی  
افندی مدعینك افادہسی وجهلہ بیک التیوز  
سکسان غروشك طرفنہ حوالہ اولندیغنك  
اصل و اساسی اولدینی کبی کندوسنك برقطعه  
سند موجبہ مدعی ذمتندہ یکریمی درت بچق  
عدد عثمانلی لیراسی مطلوبی اولوب بونك  
تسویہ سپون مدعی مرقومك رئیس ذمتندہ  
الہجینی اولان بیک غروشك کندوسنہ ویرلسنی  
امر ایتمش وحسن رئیس دخی مذکور بیک  
غروشی کندوسنہ اعطا ایتمش ومدعینك مصطفی  
اغا ذمتندہ مطلوبی اولان التیوز غروشی بالذات  
مدعی اخذ ایدوب کندوسنہ ویرمش ومذکور  
بیک الیوز غروشك کندوسنك الہجفنہ محسوب  
ایدلمش اولدینی یکریمی درت بچق لیرا حقتندہ  
درسعادت ایکنجی حقوق دائرہسندن استحصال  
اولنان اعلامدہ محرر ایدوکنی مدافعة درمیان  
ومدعی ایسہ ادا اولندیغنی وجهلہ عقد حوالہ  
وقوعبولدیغنك ومدعی علیہ باسند یکریمی درت

بچق لیرا بورجی اولدیغنك اصل و اساسی اولدیغنی  
ومحکمہ مذکورہدن صادر اولان اعلام تمیز  
ایدلمش ایسہدہ بشقہ ایسہ دائر اولدیغنی  
سویلدکدن وشخص ثالث صفتیلہ مرقومان  
مصطفی افا وحسن رئیس جلب اولنہرق مدعینك  
امری موجبہ مبلغ مدعابہی مدعی علیہ اعطا  
ایدکلرینی سویلدکلرندن صکرہ جریان ایدن  
محاکمہ وتدقیقات نتیجہسندہ مدعی علیہك مبلغ  
مدعابہی باسند الہجینی اولان یکریمی درت بچق  
لیرایہ محسوباً الدیغنی ادا ومدعی ایسہ یکریمی  
درت بچق لیرایہ محسوباً ویردیکی اچقہ بشقہ اولوب  
اشبو حوالہ ایدیلان اچقہ بشقہ اولدیغنی وشخص  
ثالث مرقومان مدعینك امری اوزرینہ اعطا  
ایدکلرینی برمنوال محرر سویلرینہ ومدعی علی  
اغانك مدعی علیہ علی افندیہ بورجی اولان  
یکریمی درت بچق لیرایہ محسوباً ویردیکی بیک  
التیوز غروش بشقہ واشبو ادا ایدیلان بیک  
التیوز سکسان غروش بشقہ اولدینی استماع  
قننان شہودك شہادت واقعه لیریلہ ثابت اولدیغنه  
بناءً مدعی علیہك بوبابدہکی مدافعہسنك ردیلہ  
مدعابہ بیک التیوز سکسان غروشك مدعی علیہ  
علی افندیدن بالتحصیل مدعی علی افاہ تسلیمہ  
حکمدن ومستدعی تمیز علی افندینك اشبو حکم



عالمینده لایحه سنده محرر اعتراضاتک خلاصه سی مبلغ مدعاہی با سند الہجفی اولان یکر می درت بحق لیرایہ محسوباً الیدیغی و ظہر سنده دخی تسلیمات یازدیغی عند الحاکمہ سویلش ایکن محکمہ جہ بوراسی نظر اعتسایہ التخصمین سنده قارشو بروجہ محرر شہود استماع قلمسی یولسبز و مغایر قانون اولدیغندن بحالہ اعلامک تقضی استدعاسندن عبارت بولمشدر

ایجابی مذاکرہ اولندقدہ اعلام مذکور مطالعہ سندن منقہم اولدیغی اوزرہ سنده قارشو درمیان اولنان ادعا تک ینہ سنداً اثباتی لازم کلور ایکن محکمہ مذکورہ جہ سنده قارشو تسلیمات ادعا سنده ادر شہود شخصیه استماع ایدلسی اصول محاکمہ حقوقیہ قانونک سکسانجی مادہ سی حکمہ غیر جائز اولوب انجیق مدعاہہ بیک التیوز سکسان غروشدن بشقہ بیک التیوز غروشدہا مقبوضی اولدیغنه مدعینک مدعی علیہ بریمین تکلیفنه حتی اولہ جغنه نظراً محکمہ جہ بیولده معاملہ ایدلیوبده سندلی الہجغنه قارشو وقوعبولان تسلیمات ادعا سنده شہود شخصیه استماع و حکم اولنسی مخالف قانون اولہ جغنه و مستدعینک اعتراضی دخی بوجہتہ متدائر اولہرق شایان قبول بولدیغنه بناء اصول محاکمہ حقوقیہ قانونک

ایکیوز اوتوز ایکنجی مادہ سی حکمنہ توفیقاً کیفیتک صور محررہ دائرہ سنده بالرؤیہ اعلامہ ربطی ضمنندہ محکمہ مذکورہ یہ اعادہ سنہ وزیردہ مفرداتی مرقم اوچیوز طقسان سکیز بحق غروش مصارف تمیزیہ نک ایلرودہ حقسنر حقیقہ جق طرفہ رجوع ایتمک اوزرہ اول امردہ مستدعی مومی الیہ علی افندیکن التمسنہ ۲۵ مایس سنہ ۳۱۴ تاریخندہ متفقاً قرار ویرلدی .

اقشہردہ مقیمہ متوفی ماردیروس زوجہ سی خوربسما قادین ایلہ قصبہ مذکورہ نک حاجی حمزہ محلہ سی ساکنلرندن پاپاس اوغلی صاری طنائل ینندہ متکون دعواہہ دائر اقمشہر بدایت محکمہ سندن ۲۳ اغستوس سنہ ۳۱۳ تاریخی ویکرمی ایکی عددی ایلہ صادر اولان اعلام مرقوم صاری طنائل طرفندن تمیز ایدلکلہ اعلام مذکور طرفینک اعتراض وجواب لایحہ لریلہ بالمطالعہ تدقیقات تمیزیہ اجرا سنده ابدار اولندی

اعلام مذکورک خلاصہ مالی مزبورہ خوربسما قادین اقمشہر چارشوسنک بازار محلندہ واقع متصرف اولدیغی دکان عرصہ سنک بر مترو مقدار محلی مرقوم طنائلک انشاآت اثناسندہ غضب ایلش اولدیغی بلدیہ دائرہ سنده موجود رسمی خریطہ دن مستبان اولہ جغندن مغضوب عرصہ قیمتک تحصیلی و انشاآت واقعہ نک تعطیل و منعندن طولای تولد ایدن ضرر وزیانک تضمینی طلب و دعوی ایتمسہ قارشو مدعی علیہ مرقوم طنائل دخی محل منازع فیہ محترق دکان عرصہ سی اولوب بوندن اقدام عموم چارشونک ترلا حالندہ تقسیماتی اجرا اولدیغی اثناسدہ مدعیہ مزبورہ ایلہ کندی ارہ لرندہ بولنان دیوار مشترکاً بنا ایدلک اوزرہ خریطہ سی تنظیم ایدلش و اولوجہلہ بنایہ مباشرتی اثناسندہ بتکرار قلفہ و اوستہ لر معرفتیلہ بالمعاینہ مذکور دیوار مشترکاً یاثلق و مصارفی نصفیت اوزرہ اعطا وعدم تأدیہ سی حالندہ دیوارہ مدعیہ طرفندن مداخلہ ایدلیبرک کندینک مستقلاً ملکی اولتی و ایلرودہ مدعیہ مزبورہ جانبندن انشاآت وقوعندہ دیوارک ہیئت اصلیه سی بوزلیوب یالکز اوزرینہ کیریس قولتی اوزرہ مزبورہ نک عرصہ سی طرفنہ علامت فارقه وضع

و بر مقدار محل ترکنہ راضی ایدلدیکنی و تجاوزک اصلی اولدیغی کبی تعطیل انشاآت خصوصی دخی دائرہ عالمہ سی طرفندن صورت رسمیه دہ اجرا قلمش اولدیغندن ضرر وزیان طلبنہ محل اولدیغی سرد ایلہ مذکور دیوارک مشترک اولدیغنه دائر اقامہ شہودہ حاضر بولندیغی مدافعہ درمیان ایلسی اوزرینہ دائرہ بلدیہ دن بالاستعلام اولبالبدہ اجرا قلنان محاکمہ کشف و تدقیقات نتیجہ سنده مدعیہ مزبورہ نک دکان عرصہ سندن عرضاً قرق سائیم و طولاً یدی مترو اوتوز ایکی سائیم محلی مدعی علیہ طنائلک تجاوزاً غضب ایلدیکی اکلاشلش و ابنیہ قیمتک عرصہ نک قیمتدن زیادہ بولندیغی اولبالبدہ کی کشف راپورندن تظاهر ایتدیکی کبی مرقوم طنائل مذکور خریطہ نک عدم اعتباری و کشفک دخی شہادت شرعیہ قیلنندن اولدیغی جہتیلہ مدعیہ نک ادعاسنی شہود اقامہ سیلہ اثبات ایتمی لازم کلہ جکنی سویلیور ایسده کلیاً محترق اولان بر چارشونک مجدداً انشاسی حالندہ ابنیہ نظامنامہ سی احکامنہ توفیق معاملہ ایدلسی مجبوری اولوب حکومت محلینک انضمام رأییلہ تنظیم واکا کورہ تقسیماتی اجرا اولنہرق بر کونہ اعتراضہ اوغرامیان و احکامنک ابنیہ نظامنامہ سنک یکر معنی



ماده سی موجب مجبه معتبر اولان خریطه نك اعتبار دن اسقاطی جائز اوله میه جفندن ایشك شهادتله ثبوتنه محل کور یله مامش اولمسنه بناء مدعی علیه سالف الذکر خریطه نك عدم اعتباری حقننده در میان ایلدیکی اعتراضك ردیله بر موجب خریطه مدعی علیه تجاوز ایلدیکی تحقق ایدن عرصه یه تقدیر ایلدیلان بیک التیوز غروشك مجله نك طقوز یوز التنجی ماده سی موجب مجبه مرقوم طنائل دن بالتحصیل مدعیه مزبوریه تسلیمنه ومیان لرنده مشترك بولندیقی اقرار واعتراف ایلدیلان دیواره قلفه طرف دن تعیین ایلدیلان محله کیریش وضعیله مزبوریه خور بسما قادی نك اكمال انشا آتیه حکم دن ومستدعی تمیز مرقوم صاری طنائلك اشبو حکم علیه نده لایحه سننده محرر باشلوجه اعتراضی دائرة بلدییه خریطه سی بلا یینه مضمونیه عمل جائز اولان وثائق شرعی دن معدود اولدیغی حالدیه محکمه مذکورجه بلا تدقیق مدار حکم اتخاذ قلمسی مغایر قانون اولدیغندن بجنه اعلامك تقضی ولایحه جوابیه مندرجاتی دخی اعتراض واقعك واهی وبی اساس ایدوکی بیانیله ردی وموافق اصول وقانون اولان اعلام مذکورك تصدیقی استدعا سنندن عبارت بولمشدر

ایجابی لدی المذاکره اعلام مذکور مآلندن منقهم اولدیغی اوزره منازع فی عرصه مدعی علیه مرقوم طنائلك تجاوز نك منعی حقننده ویریلان حکم کشف وتدیقاته مستند اولسی جهتله اصول وقانونه موافق اولدیغندن بوبانده کی حکمك تصدیقنه ومشارك دیوار حقننده بر کونه دعوی سبق ایتدیکی حالدیه انك حقننده دخی حکم اعطاسی یولسز ومغایر قانون اولدیغنه بناء اصول محاکمه حقوقیه قانونك ایکوز اوتوز ایتنجی ماده سی موجب مجبه اعلام تمیز بهك یالکز بوجه تدنطولانی تقضیله قانون مذکورك ایکوز قرق دردیغی ماده سی حکمنه توفیقاً کیفیتك قانون دائرة سننده بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم درتیوز سکن بچق غروش مصارف تمیزیه نك مدعی علیه خور بسما قادی نه رجوع ایتك اوزره اول امرده مستدعی طنائل دن التمسنه ۱ کانون ثانی سنه ۳۱۳ تاریخنده متفقاً قرار ویرادی .

مالیه خزینة جلیله سیله شهزاده جامع شریفی جوارنده فوزیه محله سننده محمودیه چشمه سی زقاغنده بش نومرولی خانه ده ساکن اشرف افندی بپنده متمدت دعوا یه دائر در سعادت ایتنجی حقوق محکمه سنندن ۲۷ شباط سنه ۳۱۲ تاریخیه ویدیوز یتمش درت عددی ایله صادر اولان اعلامك تمیزی خزینة مشار الیها وکیل رحمی افندی جانبندن استدعا ایلدیکله باش مدعی عمومیکل مأموریت علیه سنك مطالعه نامه سی الندقدن صکره اعلام مذکور یالکز مستدعینك اعتراض لایحه سیله بالمطالعه تدقیقات تمیزیه اجراسنه ابتدار اولندی

اعلام مذکورك خلاصه مالی خزینة مشار الیها وکیل مومی الیه رحمی افندی مومی الیه اشرف افندی نك حجاز ولایت جلیله سی وزنه دارلغی هنکامنده متوفی علی قبوری نام کسنه نك ترکه سی اثمانی اولان درتیک ایکوز التمش سکن غروشك اخذینی مبین پوصله سی ترقیم ایله دفتر قسامه ربط و یومیه دفترینه ایراد قید ایتسی لازم کلور ایکن یالکز متوفای مومی الیهك دفتر قسامه شرح وختیم ایدرک قبض ایتمش و اخیراً مبلغ مذکور ۲۶

جمادی الاخر سنه ۹۲ تاریخنده متوفای مومی الیهك ورثه سنه مال صندوقی موجودندن بالاعطا یومیه دفترینه صحیفه نومروسیه تاریخیه بیان اولنه رق ایراد دفترینه قید ایلدش شرحی ویر مکسزین مصرف قید ایلش وشو حالدیه مبلغ مذکور مومی الیه اشرف افندی نك ذمتنده قالمش اولدیغندن بجنه مبلغ مذکورك فائضیه برابر مومی الیه دن تحصیلنی طلب ودعوی وبر قطعه مقبوض علم وخبر یله بر قطعه دفتر قسام وایکی قطعه تحریرات ابراز واعطا ایتسنه قارشو مومی الیه اشرف افندی دخی سالف الیه بیان سند زیرنده کی مهرک مهر ذاتیسی اولدیغی بعد الافراز کندوسنك بری الذمه اولدیغی بیان ایله بر قطعه مضبطه وزیر مضمبطه لی بر قطعه حساب دفتری اعطا ایتسنه مبنی اجرا قلنان محاکمه وتدیقات نتیجه سننده مومی الیه اشرف افندی نك مدت مأموریتی حساباتی رؤیت و خلفی مصطفی افندی یه جنسیله دور واموال میریه دن بر کونا ذمت وایلیشکی قالمیوب بری الذمه بولندیغی حجاز ولایتك ۷ جمادی الاخره سنه ۹۳ تاریخیه مبرز ایکی قطعه مضبطه رسمییه مؤدالیله تحقق ایتمش وبو ایسه ابراء استیفا دیمک اوله رق خزینة مشار الیه نك مبلغ مدعا یه مومی الیه اشرف



افندیدن ارامغه حتی قلامش اولدیغندن خزینة  
 مشار الیهانک رد ادعاسنه حکمدن واشبو حکم  
 علیهنده مستدعی تمیز خزینة مشار الیها وکیلی  
 رحمی افندیکن لایحه سنده مندرج اعتراضاتک  
 باشلوجه سی وزنه دار مومی الیهک محاسبه سی  
 موجود اولان یومیله اوزرینه رؤیت اولنوب  
 مذکور یومیله داخل اولان مبالغه کرچه  
 بری الذمه ایسه ده مبلغ مدعا بهی افندی مومی الیه  
 ترکه حاصلاتندن اوله رق بیت المال مأمورندن  
 اخذ ایلدیکی وقت ایراد قیدینی اجرا ایتدیرمامش  
 ومومی الیهک محاسبه سنک طاقده رؤیت اولدیغینی  
 صروده کندوسی مکة مکرمه ده بولمسنندن ناشی  
 بواقه نك خارج از محاسبه اولدیغینی مبرز اوراق  
 ومومی الیهک تحت اقرار واعترافنده بولنان  
 سنداتیله مثبت بولنمش اولدیغینی حالده محکمه  
 مذکورجه بورالری نظر دفته النیه رق برمنوال  
 محرر رد ادعاسنه حکم ویرلمسی مخالف قانون  
 اولدیغندن بمثلله اعلام مذکورک تقضی استدعاسندن  
 ومطالعانه نامه مندرجاتی دخی دعوی واقعه  
 اعلامک حکم جهتنده کوریه جکی افندی مومی الیه  
 دور محاسبه سی رؤیت اوله رق اموال میریه دن  
 برکونه ذمت وایلیشکی قالدیغنه دار حجاز  
 ولایتک ایکی قطعه مضبطه سیله تحقیق ایدرک

اولوجه قرار ویرلمش ولایحه تمیزیه ده درمیان  
 اولنان اعتراضات موافق قانون کوریه مامش  
 بیانندن عبارت بولنمشدر  
 ایجابی لدی المذاکره اعلام مذکور  
 مطالعه سندن اکلاشدیغینی اوزره دعوی واقعه  
 مومی الیه اشرف افندیکن وزنه دار لغی انسانده  
 ذمتته کچوردیکی مبالغت تحصیلندن عبارت اولسی  
 جهتیله فصل ورؤیتی تابع اولدیغینی اداره محکمه سنه  
 عائد ایکن حقوق محکمه سنجه رؤیت ایللمسی وظیفه  
 خارجنده اوله رق مخالف قانون بولنمش ومطالعانه  
 نامه مذکور مندرجاتی موافق نفس الامر  
 کوریه مامش اولدیغندن اصول محاکمه حقوقیه  
 قانونک ایکوز قرق برنجی ماده سی موجبجه  
 اعلام مذکورک تقضیه قانون مزبورک ایکوز  
 قرق اوچجی ماده سی حکمنه توفیقاً کیفیتک عائد  
 اولدیغینی اداره محکمه سنه حواله سنه وزیره  
 مفرداتی محرر اوچسوز یکریمی سکز بحق  
 غروش مصارف تمیزیه نك بعده حقسز چیه جق  
 طرفه رجوع ایتک اوزره اول امرده مستدعی  
 تمیز رحمی افندیکن سنه ۳۰ ایلول سنه ۳۱۳  
 تاریخنده متفقاً قرار ویرلدی .

اعلان

یوانا کینک متوفی نیتولا کی چکینا ذمتده  
 لیون اسکله سنده کائن اولوب ایجار ایلدیکی  
 بش نومرولو بر باب مغازه سنک بدل ایجارندن  
 طولایی اله جنفی اولان اون التیبیک طقوز یوز  
 غروشک رؤیت اولنان محاسبه لری اوزرینه  
 فاضی الیه بالغ اولدیغینی اوتوز اوچیک سکزیوز  
 غروشدن صلحاً تسویه سی قبول ایدیلان اوتوز  
 بیک غروشک ایفاسنه کفالت ایدن محل مذکورده  
 اون ایکی نومرولو مغازه ده مقیم تجاردن استمط  
 ولد پنا یوپ لیو جنیدی الیه برادری قسطی دن  
 تحصیل حقدده در سعادت بدایت محکمه سی برنجی  
 حقوق دائره سنده اقامه ایلدیکی دعوانک اجرای  
 محاکمه سی ضمنده تنظیم اولنوب مباشر معرفتیه  
 مرقومان استمط وقسطینک اقامتگاه لری اوله رق  
 کوستریلان مذکور مغازه یه کوندلرش اولان  
 دعوتیه ورقه لری ظهیرینه مرقومای مذکور  
 مغازه ده اقامت ایتکده ایدیه لرده ایوم اوراده  
 اولیوب نرده اولدقلری مجهولی ایدوکنه بناء  
 مذکور محله امامی طرفندن شرح وختیم الیه

اعاده ایدلمش اولدیغنه و مرقوم یوانا کینک  
 مرقومانک عائب عدیله معامله قانونیه اجراسی  
 حقدده وقوعبولان طلبی اصول محاکمه حقوقیه  
 قانونک یکریمی التجی ماده سنه موافق کوریه لرک  
 امر محاکمه کانون اولک یکریمی بدنجی بازار ایتسی  
 کونه بالتنسب مذکور جلینامه محکمه دیوانخانه سنه  
 تعلیق ایدلمش بولندیغنه مبنی یوم مذکورده  
 مرقومان استمط الیه قسطینک بالذات اثبات  
 وجود ایتلری ویاخود طرفلرندن سند مصدقله  
 وکیل کوندلرلیدیکی تقدیرده حقلرنده معامله  
 غیایه اجرا اولنه جنفی معلوم اولق اوزره اعلان  
 کیفیته ایتدار اولندی .

۲۲ شعبان سنه ۳۱۷

۱۳ کانون اول سنه ۳۱۵

طاطاوا ده بوستان زقاغنده بلا نومرو  
 خانه ده مقیم واسیلا کینک وکیل مصدقی سبوح  
 افندی طرفندن ویریلان استدعاده تقسیمه



متوفی احمد شکری افندی ورثه سنک عایشه  
جمال خانم ذمتده قسمت عسکریه محکمه سندن  
ویریلان برقطعه مقتضا اعلامی موجباً اله جقلمری  
اولان مبالغ معلومه نك تأمین استیفا سی ضمنده  
مرهون بولنان چارشوی کیرده دیوریک زقاغنده  
التمش ایکی نومرولی ناتمام بر باب وقف قیامه جی  
دکانی دروننده موجود قیامه جی کدکی بوندن  
اقدام مزایده یه قونیه رق لیرای عثمانی یوز  
غروشیدن اون بیک غروش بدل ایله طالبی  
اوزرینه تقرر اتمش اولدیغندن یوزده بش ضمیمه  
بوندن دها زیاده طالب اولانلرک اشبو تاریخ  
اعلاندن اعتباراً اوتوز برکون ظرفنده اعلامات  
شرعیه اجرا داره سنه مراجعت ایملری دائرة  
مذکوره دن اعلان اولنور .

۱ تشرین ثانی سنه ۳۱۵

صره سرولی جاده سنده ۴۱ نومرولی خانه ده مقیم  
بالقناه قابضمال لرندن چمچم میقاتل ذمتده اله جفی  
اولان یوز اون عدد عثمانلی لیراسنک تحصیلی  
حقنده اقامه ایلدیکی دعوانک اجرای محاکمه سنی  
مبین مرقومک اقامتگاهنه تبلیغ اولنان دعوتیه  
ورقه سی زیرینه مرقومک غیوبت ایتمدیکی محله  
مختاری جانبدن یازیلان شرحندن اکلاشلش  
اولدیغندن مدعی وکیلک ظلیله سنه حاضره  
کانون ناینسک دردنجی صالی کونی ساعت یدی  
راده لرنده دعوی مذکوره نك رؤیتی  
قرارلشدیریلهرق اولباده تنظیم واملا قلنان  
ورقه دعوتیه اصول محاکمه حقوقیه قانوننک  
یکرمی التجی ماده سی موجباً محکمه دیوانخانه سنه  
تعلیق قلنش اولغله مرقومک یوم ووقت  
مذکوره بک اوغلی برنجی حقوق محکمه سنده  
حاضر بولنسی ویا طرفندن مصدق بروکیل  
کوندرمی و عکسی حالنده قانون مزبورک یوز  
قرق بشجی ماده سی حکمنه توفیقاً معامله غیابیه  
اجرا اولنه جفی اعلان اولنور .

۱۱ کانون سنه ۳۱۵

قره کمرکده ساکنه عایشه خانمک درسعادت  
برنجی حقوق محکمه سنندن استحصال ایلدیکی  
برقطعه اعلام موجباً قوم قپوده جلال بک  
محله سنده ساکن ایکن ایوم محل اقامتی مجهول  
دلبندجی کیرقور ذمتده اله جفی اولان اوتوز  
سکز لیرانک مع فائض ومصارف تحصیلی و ممکن  
اوله مدیفی صورته مرهون اولان اوطنه نك  
فروختیه بدلندن مبلغ مزبورک استیفا سی محکمه  
مذکوره جه تحت حکمه التمش و مدیونک غیوبتی  
جهتیه اعلام مذکور صورت مصدقه سی  
بعد الاعلان محکمه مزبوره دیوانخانه سنه تعلیق  
قلندیفی کبی مدیونک الآن غیوبت ایلدیکی  
اکلاشلش اولدیغندن اجرا قانوننک یکرمی  
طقوزنجی ماده سی موجباً مدیون مرقومک  
اوج آی ظرفنده اثبات وجود اتمسی وایتمدیکی  
تقدیرده دینک ایفاسندن امتناع اتمش عد اولنهرق  
داین طرفندن وقوع بوله جق مطالبه قانونیه نك  
اجراسیله حکم اعلامک تنفیذی جهتیه کیدیه جکی  
درسعادت اعلامات نظامیه اجرا داره سنندن  
اعلان اولنور .

۲۲ تشرین ثانی سنه ۳۱۵

قارلوهلی واسیلیک ماریه قادین ایله غائب  
نیقولی ذمتلرنده با اعلام محکوم به اله جفی اولان  
مبالغک تأمین استیفا سی چون مجبوز اولوب فروختی  
قرارلشدیریلان مولویخانه قیوسی خارجنده مرکز  
افندی محله سنده چرپیچی جاده سنده واقع سنوی  
بیک ایکی یوز غروش ایجار کتوریر تخمیناً اون  
بچق دوغندن عبارت اون نومرولو برقطعه باغک  
نصفی بالمزایده لیرا یوز غروش حسابیه اوج  
بیک و تخمیناً اون درت دوغندن عبارت و سنوی  
بیک غروش ایجار کتوریر یکرمی نومرولو  
برقطعه باغک نصفی اوچبیک غروشده طالبی  
عهده سننده تقرر ایدرک موقتاً قرار داده سی  
کشیده قلنش اولغله یوزده بش ضم ایله طالب  
اولانلرک یوزده اون بی اچقریله برابر اوتوز  
برکون ظرفنده درسعادت اعلامات نظامیه اجرا  
داره سنه مراجعت ایملری اعلان اولنور .

۲۸ تشرین ثانی سنه ۳۱۵



اچہ اجارہ مؤجلہ لو برباب اوتل ودر ونه جاری  
 بر بچق ماصورا ماء لذین ایلہ بر نومرو ایلہ مرقم  
 سنوی اوچیک ایکی یوز قرق اچہ اجارہ مؤجلہ لو  
 تربیعاً بیسک ایکی یوز یتمش بشن زراع عرصه لو  
 مقدا ساحلخانہ والیوم مذکور اوتوز نومرولی  
 اوتله مقلوب برباب لوقظه وحتتده واقع اوچ  
 نومرولی قایقخانہ والیوم حال حاضر ی مذکور  
 نومرولر تحتده اوله رق قرق اوطهی وبر مقدار  
 باغچه محلی مشتمل و سنوی در تیوز لیرا ایجاره  
 متحمل په تالا اوتلی نامیله معروف اخشاب برباب  
 اوتلدن عبارت اولان املاک مذکور هک  
 مار الذکر اوتوز نومرو ایلہ مرقم اولان قسمنده  
 فرانسه دولتی تبعه سندن مادام ویرژینی قوطویه  
 وفاء مفروغ و مرهون اولان معین مخلندن ماعدا  
 ساحل دریاده واقع بر نومرولی لوقظه ایلہ تحتده  
 کان اوچ نومرولی قایقخانہ نک اوچ حصه اعتبار ایلہ  
 مدیون مومی الیهامیه عادیاً منتقل اولان ایکی  
 حصه شایعه سی تاریخ اعلاندن اعتباراً اونبش  
 کون صکره موقع مزایده یه وضع اولنه جفندن  
 اشتراسه طالب اولانلرک ودها زیاده معلومات المق  
 ایستیانلرک حکمه تجارت اجرا دائره سنه مراجعت  
 ایتلمری اعلان اولنور .

۱۱ کانون اول سنه ۳۱۵

مطعمه عامره

خدیجه نعیه خانمک فاطمه فطنت خانم ذمتده  
 با اعلام اله جنی بولنان مبالغتک تأمین استیفاسی  
 ضمتده وفاء مفروغ بولنان درسعادته باغچه  
 قیوسنده چلبی اوغلی حواجه علاء الدین محله سنک  
 حصکی حمام زقاغنده بر طرفی کلخان زقاعی و بر  
 طرفی چایچی قره بتک عرصه سی و دیگر طرفی  
 قهوه چی اونیک اغانک دکانی و طرف رابی  
 حصکی حمامی جاده سیله محدود سکسان آرشون  
 اوزرینه انشا اولنمش تحتده بودورم و اوستنده  
 براوطهی حاوی درت نومرولی برباب چورابچی  
 دکانتک ملک و کدکنک متصرفه اولدینی نصف  
 حصه سی تاریخ اعلاندن اعتباراً اونبش کون صکره  
 بالمزایده فروخته مبادرت اولنه جنی اسکدار اجرا  
 دائره سندن اعلان اولنور .

۴ کانون اول سنه ۳۱۵

یانی خریستیدی افندینک انکلتره دولت  
 فحیمه سی تبعه سندن یانی و برادری یورکی په تالا  
 ذمتده برنجی حکمه تجارت اعلامیلہ اله جنی  
 اولان مبالغ معلومه نک تسویه سی ضمتده بوغاز  
 ایچنده طرایمه ده واپور اسکله سنده کان  
 اوتوز نومرو ایلہ مرقم سنوی یدیوز یکر می